

摘藻堂四庫全書薈要

集部

欽定四庫全書薈要卷二萬五百四十七

集部

明詩綜卷七十四

翰林院檢討朱彝尊編

陳繼儒 三首

繼儒字仲醇松江華亭人有省公全集

靜志居詩話仲醇以處士虛聲傾動朝野守令之藏否由夫片言詩文之佳惡冀其一顧市骨董者如赴畢良史推場品書畫者必求張懷瓘估價肘有兔園之冊門閭鷺羽之車時無英雄互相矜飾甚至吳綾越布皆被其名竈妾餅師爭呼其字今遺集具在未免名不副其實焉

月下登金山

江平秋萬里山靜月三更
彷彿寒烟外瓜洲有鴈聲

春日訪殷東皋

櫻桃花開春可憐
何處游人不放船
却羨白頭殷處士
鵲鳩聲裏獨耕田

山居雜詩

青草湖邊白石西
竹籬茆屋酒帘低
飛來飛去雙黃鳥
不到濃陰不肯啼

王留一首

留字亦房吳人稱登子

淮北道中

沙灘高下浴鳬驚
新出菰蒲綠未齊
移橘過淮應化枳
種楊當路半生梯
船頭鼓角頻逢驛
河上金錢浪築堤
醉後無端千里夢
直隨明月到深隄

茅維一首

維字孝若歸安人有菰園集

屠緯真云孝若天才絕高于體靡所

不合

陳仲醇云孝若詩韶秀清華絕無累句
梅季豹云孝若陶鑄古人篇琢句磨情旨諧

暢

早秋寄允兆

秋風難作客匹馬欲南歸
隴塞黃雲合江淮紅葉稀
干戈愁獨卧鄉國夢全非
已卜刀鐮約滄洲可拂衣

盧原一首

原字原甫南海人有五湖游草

甘露寺望金焦

北固山頭寺崔嵬瞰大江縱無甘露下應有毒龍降陳
迹羊為石新雛燕入牕望來浮玉近遙對碧峰雙

卜彛年

四首

彛年字孟碩吳江人嘉興縣學生有綠曉齋集

詩話孟碩家居盛澤幼赴嘉興童子試時安福
顏欲章知縣事亟賞其文拔置第一遂補諸生
讀書東塔寺尋游陳仲醇之門負才傲世恒衣
舊衣入市題其門曰鄉人皆惡國士無雙惟與
同里張汝培端甫結契時相和酬孟碩既失意
坎壤不平仿屈平楚辭作滔滔章假帝詒河伯
之文有曰東聯滔滔兮南絡沅湘黑者錯白兮
弱者間強災既淪于入坎兮害乃基于剝林翹

商羊之才舞兮又安覩儀鳳之蹒蹒固帝心之
欣禍兮亦今俗之好殃又聞杜松劉繼二將喪
師賦長謡千餘言以詒楊錡平居好結客客至
必留坐是奇窘或三日不爨終不乞米于人也

詩尚崛奇間

有合律者

村社迎神曲

旦旭兮瞳矇神鴉起兮雲中沐予髮于蘭湯兮振予衣
于蕙風潔齋俟兮土公土公不來兮勞心忡忡

黃浦晚度

殘照收黃浦孤舟何處依沙昏秋鴈落潮滿夜漁歸薄

海山川曠前途廬舍稀帆輕天路近直與鶴俱飛

冬夜垂虹橋

卸馬垂虹畔深宵感慨增橋明霜正下江遠月初升吏
醉城無柝僧歸塔有燈王風京路阻欲詠媿無能

湖上送別

西風奮枯林潮沸盛湖晚淚眼對殘陽看君行漸遠

姚士粦一首

士粦字叔祥海鹽人國子監生有蒙古堂詩集



薛潤孃七夕生日

生逢烏鵲渡河秋
乞巧今番免上樓
莫訝眼邊多俗物
天孫亦祇嫁牽牛

邢昉 三首

昉字孟貞高淳人
崇禎諸生有石臼集

陳伯璣云孟貞

詩無一暢懷語
讀之令人增感

聞亡女訃寄內

垂老常嗟別書傳
江漢稀青鬢憐弱
息秋草忽同歸多

病愁難共還家興轉微
尚餘殘淚在相對灑牛衣

月

偶聽烏啼漏未殘
小池冰合夜深寒
最憐一片霜天月
已是離家十度看

口號

蜀江船不到三巴
湖南船不到長沙
滿地干戈關塞裏
行人那不早還家

張 屈

二首

屈字醒公長洲人處士鄉里私謚貞節先生有

醒公詩集

邢孟貞云醒公詩高寒類孟東野幽渺過之讀之使人不懽

金孝章云

醒公汲幽梯峻返之
冲澹希夷不可方物

山居懷金文裕

江光映林際纖月微微落冥冥靜夜鐘沉沉響深閣言
念君子交于道信不薄空谷常感懷終不我離索

弔古

弔古不疾哭欲哭聲已吞嘗膽吾自苦對世不敢言中

夜望星斗失序何足論至人竭精力能使移崑崙夏月
落天霜方報君子恩

邵昇遠

一首

昇遠字

缺

松江華亭人

田家樂為陳孟言賦

香稻收花穗已齊幽棲渾似瀼東西萬竿修竹千叢菊
十角黃牛五母雞婦起炊糜朝出饁客來留榻夜分題
橙黃蟹紫新醅熟日日何妨醉似泥

沈宏之一首

宏之字茂之蘇州嘉定人有清溪草堂詩豪

李本

寧云茂之近體含蓄
不露得唐人之遺風

濟寧舟中望月憶家

野曠天連水登艫四望寬
家逾千里隔月訝兩回看客
裏光相對閨中影自寒
郵籤計程速定已夢長安

施武十三首

武字魯孫別字百靈長洲人崇禎間游于滇有

楚游草西覽篇

詩話魯孫孝子佯狂翫世善草書鄭孝廉士敬謂曰君書直逼二王不雜唐宋以下筆法魯孫大喜于同人廣坐中編題箋扇呼士敬曰君頗知書吾書究誰似士敬謬曰今日書不見佳魯孫瞠目左右視擲筆而去嘗語人曰吾于詩極力摹擬古人僅可雜之王仲初集中耳今吳人罕有知之者處士金侃亦陶藏其橐經候官曹能始墨筆點定予亟錄十三首滇黔風景可得其大

蔡馬

烏雅關

朝上烏雅關暮下烏雅關老烏啼啞啞行人還未還

關索嶺

高嶺呼將軍將軍祀其上行人仰望時白雲隔千丈

相見坡

上坡面在山下坡山在面相見令人愁不如不相見

鳳羽詞

鳳羽
山名

鳳羽低連鄧睽川山頭流水屋邊田額尖新樣姑姑帽

五月羊皮帶汗穿

鄧睽詔名姑姑帽滇人皆以羊皮繫額寒暑皆披

街子詞

滇中以作市曰街子
逢辰亥戌未日為期

豬街纔罷又龍街
蠶女牽羊入市來
背上擔兒嘗慣負
胭脂落盡小桃開

土官出山詞

土官唯參謁官長始冠帶
居常但用阜綾青布裹頭

鳴鳴牛角滿山陂
腰下橫刀弩箭隨
雜部椎頭皆束帛
阜綾纏額長官司

煮鹽詞

滇中鹽井四唯黑白二
井課稅甚多餘不及焉

使君不及鬱林廉
舊例逡巡新例添
白井爭如黑井好
一斤水煮半斤鹽

出獵詞

秋高出獵草根枯漫縱韓盧不用呼
新襲土官誇武健
側身馬上獲雙狐

歸化詞

滇中山茶天下第一唯歸化寺者其本合抱花大如孟國初已前物也往來宦游羈

客留別交好至此莫不墮淚

鴛鴦夢斷綵樓空馬首蕭蕭故向東
歸化寺前多少淚
年年三月蜀茶紅

麗江詞

麗江府即古笮國地也地寒五穀希少惟產良金毛布之類方伯用貢金必索其直

從來直指公皆不按其地聽之而已
人皆耳上貫環好衣紅與西域相類

麗江水繞雪山寒郡縣羈縻異國看千里羅步地名無貢

賦黃金有價不輸官

永昌詞

永昌古哀牢國也國初流配獨多吳人故語言風俗宛似南都為滇之首郡

漢武窮邊開永昌哀牢部落散丁當流人不學花蠻語
城郭風烟半建康

寶井詞

寶井在姚關萬里外非容易至販寶者止于緬中交易緬中多瘴癘除三冬與初春

通夷者不敢出

緬中花落滿蠻山千兩鴉青馬上還寒食雨飛防瘴癘

漢人不敢出姚關

鴉青寶名時適有是寶重一兩三錢價三十貫

賣雪詞

大理蒼山雪六月不化市上女郎賣之猶吳下之賣冰也

雙龍關裏百花香銀海逶迤抱點蒼六月街頭教賣雪
行人錯認是瓊漿

鄒

潏二首

潏字中朗秀水人縣學生

江行望廬山作

亦知山有寺咫尺見雲封瀑布千尋水香爐何處峰向
晴微見樹卓午詎聞鐘來往驅塵事深悲負短筇

武陵

仙源應不記年華洞口今開幾樹花若使重來津可問
扁舟我亦願移家

卓人月

二首

人月字珂月仁和人貢生有慈淵集

詩話珂月才情橫溢所撰續千文
穩帖而奇肆詩亦不為格律所拘

泊烏鎮不寐作

逆風逗歸期今夕寄淺港月出人不知閉戶若羸蚌遠
寺燈微明未罷老僧講良久喔喔聲荒雞引其項

贈女鬟紅衣

石家醋醋喜穿緋裏手擎觴率意飛坐上恨無姜石帚
長歌一曲惜紅衣

華淑 三首

淑字聞修無錫人

雜詩

斲木為車其半為輪車自招搖輪何苦辛

洞庭西山

圓湖比滿月青山猶挂影晴陰網輕瀾深翠積遙嶺
潏洄柔櫓前如魚狎藻荇戀彼楓袖香丹黃點妍靚終期
宅此居一樓一舴艋舴舋石公遙樓當銷夏冷竹木侍
巾裾烟霞開簿領

消夏灣

平湖添一曲風色遂全幽晴泛亦疑雨山居猶在舟橋
橙垂戶戶菱芡聚洲洲不信偏宜夏暄涼儘可游

林雲鳳 三首

雲鳳字若撫長洲人

詩話若撫當鍾譚馥張之日守正不回詩篇極
其繁富惜知者寥寥困阨終老相如遺草已不
可問
矣

行路難

上客且莫餐聽歌行路難茹荼知味苦食梅知味酸蜜

中亦有螫棘中亦有蘭人情反覆君自看泣者未必感
笑者未必歡曲如羊腸鬱以盤令我喟然摧肺肝

韓淮陰廟

韓侯遺廟在過客不勝悲未請真王印先收大將旗功
忘百戰後恩報一餐時何似清淮上終身把釣絲

憂邊

絲綸閣下議東征為遣元戎出大明邊月曉懸弓劍影
朔風秋散鼓鼙聲滄溟萬里波臣國紫塞三千浪子兵

奏凱未聞糧糈絕不知平壤幾時平

項真一首

真字不損秀水儒學生貢入國子監有西湖草

詩話不損以門才自豪兼綜今古文深為李長
蘅聞子將所賞有御史巡按至浙試士子文經
書發題外俾作一詩題是賦得多雨紅榴折不
損書法絕倫以行草縱筆寫之同學慮御史必
怒咸為不損危而御史竟拔置第一益自負儻
蕩不羈入修門坐事瘐死于獄予嘗見其為閨
人銘梳奩曰人之有髮旦旦思理有身有心奚
不如是筆法極其飛舞繹其語殆亦非真狂生
也

社集分賦得竹林

入林非任誕懷抱良有託把臂愜同志痛飲戀狂藥修
竹何蕭蕭微風籜已落故叢擢纖枝碧影墮杯勺盤桓
不能去嘯詠或間作管絃非所好况乃靈鼉号仰視飛
鳥翔醉眼空寥廓契此考槃趣謝彼彩纓縛寄語道旁
子沉冥與爾各

謝夢連

三首

夢連字孟草長洲人有遺詩

陳玉立云孟草詩
使事必穩標韻必

誥 金孝章云孟草遠絕時調
詩以自然為宗不失唐人風韻

送友人游天台

細雨蘼蕪綠扁舟渡若邪
春流飛竹箭暮靄隔桃花
佞佛何妨酒游仙莫問家
儻憐人外癖分我赤城霞

治平寺寓友人攜酒見訪

吾友攜尊至開門黃葉深
斷雲孤岫冷斜日半湖陰
獨往無千古相期有寸心
行行難以別明月在長林

秋夜

木葉始微脫庭空蔭薜蘿誰云秋氣慘我愛夜涼多林
逗纖纖月雲浮澹澹河坐深人境寂新鴈一聲過

何大成 一首

大成字君立常熟人

抵夔州覓少陵草堂

成都草堂今若何且向西瀼飽經過亂山不斷烟雨色
匹馬時聽巴渝歌峽中長年布帆穩驛路官長油衣多
吳趨老人真好事貪訪遺跡空蹉跎

邵 濂 一首

濂字茂齊常熟縣學生

馮已蒼云邵君詩清曠玄澹

雨

終日雨如絲連山芳草碧庭際孤雲屯
遙村暮烟積野渡行人稀圓沙一鷗白
寂莫想晤言誰破蒼苔跡

屠應韶 一首

應韶字韶甫秀水人有松吟草

贈歌童

弱質偏姚冶清歌意獨新未須聞別調梁上已飛塵

李翹二首

翹字時實松江華亭人有樵雲居豪

感遇

幽蘭出深谷冰雪揚芬芳天桃得春風榮華耀朝陽萬
物各有時盛衰詎可量君子重制行通塞夫何傷對此
遲日嘉且進花前觴

寓言

松栢有蔦蘿生死共依附柔弱不自持垂垂百尺樹草木匪金石榮華寧久駐摧折非所期飄零更誰顧

丘遂一首

遂字叔遂嘉善人初為僧字凡可中年以口舌忤鄉里貴人反儒服補縣學生有丘叔遂詩草

江上雜詩

竹筏歸從柳外汀鷓鴣隊隊晚風腥漁師不避豆花雨翻脫蓑衣覆酒餅

吳拭 三首

拭字去塵休寧人有遺藁

徐武子云去塵慨然諾中年以結客

傾其家晚栖吳市尋避兵虞山困危死其詩自
出機杼決難泯沒朱子蓉云去塵夙饒于賞
破產結客贈予手製糜九不啻沈珪對膠也客
金陵遍題十寺廊壁七言如花雨已過寒食後
風箏又傷社壇斜蠻鄉有夢三千里閩海無書
二十年半偈歲深香積飯一番春老木棉衣移
家轉近寒山寺探篋惟餘秋水篇衣上露涼
飄相葉鬢邊霜重壓蘆花誦之神采溢目

苦寒

嚴霜摧百草北風何其涼我愁豈在躬憂此道路長忽

忽行役中不復知景光疑水屬仲冬萬物咸閉藏吾非
寒號蟲乃思驕鳳皇躊躇三歎息落日照路旁

無題和斗生

二首

海外雲生碧浪陰
蘋鱗蒼鴈總浮沉
寥寥天漢雙星小
寂寂梨花一院深
貞玉有光還易見
明珠無定杳難尋
輕鸞欲繡愁無力
除是靈芸七孔鍼

巫山遠在暮雲中
愁隔春燈一點紅
莫道金刀難翦水
須知紈扇也驚風
化為蝴蝶飛纔並
除是鴛鴦睡不同

最是游絲無賴甚又牽春去過牆東

沈章 六首

章字宗玉嘉興人國子監生有苧莊集

詩話上舍為亡弟千里婦翁詩頗崛竒所居苧莊略約相通環以水竹余嘗讀書其地今其二

子皆登鬼錄遺

書莫可問矣

示弟漣

逢蟲則有蛹蠶則有績矧伊人兮胡不爾德 一解 昔我先人

實懋厥功靡不夙夜克績其宗 二解 伊余懷兮程是稼穡

一經不遺以永朝夕

三解

朝斯夕斯日月言邁令聞或忒

我心匪懈

四解

人亦有言聲類是求相彼蒼鷹氣化為鳩

五解淵冰在前惕焉戾止繩墨在御敢以勗子

六解

淮陰侯祠

淮水十斗泥半石行人入門三歎息王孫功高天下疑
赤龍雌雉俱慙德前有渭水後桐廬進則不足退有餘
曷不歸釣城南魚

靈谷寺看梅

下馬看碑度孝陵山椒十里樹層層半開香氣清于水
一路人家靜似僧春動粉鬢都化蝶夜寒花片欲成冰
思憑一枕羅浮夢月白烟黃睡未能

岱宗次吳秋圃師韻

四十里程半日行下觀鄒魯井中耕樹從樵口標秦漢
人與繩籃託死生澡髮不知何處雨曝衣猶及上方晴
東風無力吹雲去抹斷齊州水一泓

隋堤懷古

邗溝新碧晚濤平楊柳曾遮殿脚行誰道雷塘歌吹歇
月明重按玉簫聲

天池寺

竊栗猿雛戲法幢
天池中劈石門雙
深山不是無燈火
解惜飛蛾夜觸牕

邵德生

二首

德生字大生

缺

人崇禎中儒學生有清聞軒

臺

夜度清遠峽

枕上不見山但聞水聲駛自非山百尋水急那如此

楓亭

草樹隨方別楓亭故有楓故鄉烏臼樹霜色更深紅

陸壽國 一首

壽國字靈長長洲儒學生天卒鄉人私謚孝簡

子有嶺雲集

虎丘春步

好鳥語芳樹春山遠近看攀厓振蘿策度塔跨雲鞍縞
袖翔飛燕青箋賦木蘭雨餘客去後新月上欄干

吳道約一首

道約字博之一字亞侯桐城人縣學生有大易

山房橐

懷方子恒

王孫別去草萋萋江麓殘烟送馬蹄我念故人腸斷絕
小橋流水夕陽西

沈嗣貞 一首

嗣貞字紀常秀水縣學生有荀草堂集

譚梁生云紀常

諸體俱臻典雅

秋夜

適館聞衙鼓歸家聽寺鐘欲為僧苦寂未作吏先慵夜
永蘭膏滅秋深玉露濃此中忘去住城市有高蹤

李肇亨 三首

肇亨字會嘉嘉興人太僕日華子有寫山樓率

圃夢餘諸草

詩話吾鄉鮮巖壑之勝然園亭之參錯水木之
明瑟舟楫之沿洄縱游覽所如而不倦萬歷以
來承平日久士大夫留意圖書討論藏弄以文
會友對酒當歌鴛社之集譚梁生偕會嘉和之
先後賦詩者三十人事未百年而閭閻故老
已莫能舉其姓氏玉杯錦席之地皆化為宿草
荒烟惟李氏寫山一樓尚未椒飛粉落宛
然靈光之在魯錄珂雪之作不禁慨然

秋興

溪樓閒眺望秋思滿林塘潦水次菇爛西風穠稌香晴
光翻去鳥野色動寒蜃問詢東籬菊還須後夜霜

題宋人江泊圖

愛見江邊樹蕭疎落照前
遠峰分霽色小塢共寒烟
鴈迹留沙渚猿聲到客船
十年湖海夢今日倍依然

西泠寓室

露氣橫疎柳香風送晚荷
不知湖面闊止覺四山多

駱雲程 二首

雲程字天游一名雨禾字穉孫嘉興人有廣禽

言

布穀

脫却破袴衣著新莫著故新人紈綺舊荆布貴易交富
易婦朝還朝暮還暮人生肯繫如匏瓠

鳳皇

節節足足雌鳴雄續不集于梧不集于竹栖棘斯危在
笄則辱雄兮雌兮何德之衰兮

譚貞和一首

貞和字閭仲嘉興人贈太僕卿昌言次子

社集分賦得金谷

日月長麗矚溪山餘素期別廬欣賞間更復賓主宜監
軍曠高懷祭酒澹塵思盤礴澗道上澗列行參差竹柏
既峭倩藥草復繁滋觥飛罍交錯絃急管威夷迢迢錦
步障晃晃珊瑚枝姬侍列雲屏倡舞喧相追豪侈極人
目俱言此會稀席終方奏序興往各稱詩遺韻珍當年
勝游示來茲不負歲寒約意氣歡足持

譚貞竝 一首

貞竑字立生貞和貞良之弟有清音閣詩草

南屏歸艇遇雨

望裏南宮潑墨山小牕殘燭放舟還從容畢竟輸漁父
藕葉菱花泊淺灣

秦徵蘭八首

徵蘭字楚芳常熟儒學生

徐大臨云近傳天啟宮詞百首乃琴川秦

秀才辭而同里陳悰攘為已作公然鏤版行之

詩話德陵實錄為黑頭爰立者所攫天啓四年
七年事遂爾遺佚秦秀才宮詞摺撫禁廷瑣語

頗稱詳核第合而觀之嫌其述客魏
居多而事闕德陵者寡不無微憾耳

天啓宮詞

八首

紅粉排班玉輦旁西園花柳踏春陽中宮侍從偏無幾

窄袖高鬟一樣妝

自注張后性淡靜愛憎稍與衆異客氏教宮人效江南作廣袖低髻尤為

后所厭薄春秋佳日駕幸西苑等處坤寧宮侍從多不
踰三四十輩其妝束如圖畫所見古人像容氏往往目

笑之

石梁深處夜迷藏霧露溟濛護月光捉得御衣旋放手

名花飛出袖中香

自注乾清宮丹陛下有老虎洞不知
所始洞背為御街洞中甃石成壁可

通往來上嘗于月夕率內侍賭迷藏為戲潛避其內諸
花香氣上所篤愛時采一二種貯襟袖間故聖駕數武
外輒識之以
芳芬襲人也

內河環遶禁城邊
疏鑿清瀾勝昔年
好是南風吹薄暮

藕花香拂白鷗眠

自注神廟靜攝年久紫禁城內河壅
於不通德陵復令疏浚之春夏之交

景物尤勝禽魚
菱藕儼若江南

聖主多能絕代姿
罷朝常是運斤時
裕妃笑指燈屏問

雕到寒梅第幾枝

自注裕妃未罹禍時宸眷獨寵上好
雕鏤木器護燈小屏八幅手刻寒雀

爭梅戲畀諸少璫令幣之仍諭以御制
之物價須一萬翌日如數奏進大悅

瑠璃波面浴鷗鳬艇子飛來似畫圖認著君王親蕩槳

滿隄紅粉笑相呼

自注上數偕中官汎葉舟于西苑手操篙櫓去來便捷

美人看黛月同彎侍駕登高薄暮還共訝洛陽橋下曲

年年聲遶兔兒山

自注兔兒山即旋磨臺乙丑登高聖駕臨幸鐘鼓司掌印官執板唱洛陽

橋記攢眉黛鎖不開一闌次年復如之宮人知書者相顧疑怪非特于景物無取語意實近不祥也不期月而

鼎湖龍

逝矣

風掠輕舟霧不開錦鱗吹裂綵鰭摧須臾一片歡聲動

捧出真龍水面來

自注乙丑端午駕幸西苑用綵繒飾小舟首尾為龍形上手持划具同少

璫劉思源高永壽蕩漾橋北怪風忽起雲霧四塞
舟覆二璫濟死管事譚敬旬旬赴救扶駕出水

水鴨銀苗院院同鵲橋衣卸巧山空晚涼供罷波羅蜜

去看河燈萬點紅

自注七夕節各宮立乞巧山子宮眷
衣鵲橋補自初一起至十四止中元

節食銀苗菜藕之嫩芽也水鴨先一夕煮熟凝成膏者
甜食房進供佛波羅蜜西苑作法事放河燈已上數條
宮中舊例惟宮人內官深夜
相攜看河燈則辛酉後事也

吳天泰 二首

天泰字謚生秀水人歲貢生有星帶草堂集

示族子

人生各分定如面異黔暫讀書求仕宦運數杳莫測不
如事田廩勤苦但食力我家本清門中葉浸流失相將
習游閒遂乃離樸質流覽五服遙頗喜見諸姪水國采
菱魚陸海種秔秫上可奉高堂俯足寧家室少游嘗有
言款段與下澤鄉里稱善人庶幾念祖德

題周仲吉畫

雪色滿天地扁舟傍深谷危峰入層雲幽意動遐矚溪
橋凍未澌老鶴立寒木

吳麟玉 一首

麟玉字稚禎別號雪翁秀水縣學生有醉月聽

溪二軒詩豪

村居

屏跡市廛外烟村聊索居貧無乞米帖嬾有絕交書松
下近調鶴雨餘新種魚更添數竿竹遮却往來車

徐淮 一首

淮字愛竹嘉興縣學生有愛竹軒詩

宿金粟寺

昨歲曾游此，莓牆墨尚新。雨花長似粟，觀海更無津。下

榻便行客，烹茶費主人。

時查孝廉寓此讀書

年來稀戰伐，鼉鼓但

迎神。

鼓係孫權所留

徐仲選

一首

仲選字華海，一字鶴友。海鹽人，國子監生。有鶴

友詩彙。

詩話：鶴友近體

刻意學陸務觀。

水村

照檻晴光眼未迷，瘦藤斜影度橋西。
沙頭白鴨黃鵝睡，籬畔瓜棚豆架低。
屋似魚船疎荻繞，亭如僧笠稚松齊。
此鄉風景真堪戀，只合攜鉞坐菜畦。

嚴紹宗 一首

紹宗字隨翁，無錫人。有《鳩緣集》。

新秋廷鳴移具小樓待月

秋至杳無跡，颯然風滿林。
倚樓羈客思，呼琰故人心。
紅

葉疎簾冷青蘋小院深月明今共賦心事兩浮沉

曾元良 一首

元良字君山秀水人有烟波集

秋柳

俄驚搖落渭城邊悵望遙隄絕可憐病葉幾能禁驟雨
柔條猶自鎖寒烟從教歌院頻翻譜忍見郵亭更折鞭
淒斷新霜板橋曲衰荷相伴曉風天

高秉藁 二首

秉藻字友葵松江華亭人縣學生有潤照堂詩

湖堤

舍館意未安游覽力已猛披衣出芳原蒼翠周四屏琳
宮千百尺截嶽吞顙景蘭若非一居鱗次若萬井旋窺
大佛寺却失龍象整其陽枕江濤其陰負修嶺步步異
前蹤行行惜去境斷橋曾不斷石堤相與永綠柳何歲
隄間之桃與杏柔颺翦綺縠密葉含藻荇羣秀欣有託
萬象紛然炳歎息蘇長公千載若俄頃江山不改舊風

月誰為領撫景念往昔令人發深省

淨慈寺

維艸綠楊岸爰命理輕策從者四五人
鈎衣防亂石南屏鬱嵒崑琳宮寄岸
律柱礎錯互置枕拱向背出檻鳳威羽
翔幢龍鱗甲拆法象有三身應真計
五百伊昔壽禪師于此布法席言詮雖
已繁圓鏡乃歸一我來祇樹下髣髴天竺
國碧篠吐笙簧青松韻琴瑟口分茵陳飯
手展貝多帙逆風發梅檀香氣何馥郁
非無豪士豪為

憚律僧律徒倚澹忘歸山空落紅日

沈文煇一首

文煇字履亨嘉興縣學生有瓜田遺豪

西莊

乍喜人烟別都無俗客喧漸能諳稼穡不復厭雞豚仄
徑苔梅古疎籬竹屋存東塍近僧院清磬報黃昏

繆師伋一首

師伋字孟思嘉興人

九日

黃菊東籬下還逢九日開今朝尊酒盡無復白衣來

周青

士云
調合

顧玘徵一首

玘徵字文玉嘉興縣學生有讀書臺豪

感舊

烏衣門巷舊游非王謝堂前燕子稀有客有客莫遑處
式微式微胡不歸乾坤萬里愁雲合風雨三秋落葉飛

極目天涯誰與語
釣篷思老一漁磯

嚴

燂
二首

燂字子尹常熟人有南虞小草

詩話子尹詩律頗細如詠雪云竹上有聲如雨
夜庭中無月亦明時令永嘉四靈見之定把臂
入林也

長相思

長相思在夢中
自君之出羅幃空
牕前浙浙來朔風滿
天霜雪鳴孤鴻
楓林青兮關塞黑
終然萬里魂難通
長

相思何時終

初夏偕顧魏二子游西關

散步西郊任所之雨餘新綠倍濃時同游此日還同散
明日分飛各不知

曹臣一首

臣字野臣歛人有鬼訂集

郝公琰墓下作

郝之壘今已矣憶君棄我已三年一棺裹骨黃泉裏我

欲呼君君不起慘柏悲松聲聒耳幾莖瘦草不成叢是
我頻來淚澆死

湯傳楹 二首

傳楹字子輔更字卿謀吳縣學生有湘中草

倚樓

天影一何澹空庭無雜喧暮山隨靄沒黃葉帶鴉翻無
徑不秋草與鄰同小園偶然搔首處竟夕未能言

渡口別

一水盈盈便渺然夕陽搖落渡頭船長堤燈火人歸後
回首西樓盡暮烟

馮元仲 一首

元仲字次牧慈谿人有天益山房詩集

題晏長侍祠

嗚呼晏長侍石室存道統上像皇帝三其左周召孔宋
之四大儒一一接其踵巍巍殿三楹像皆刻石奉四壁
含龍者五分標五經總古人所未聞此是我作俑猗彼何

人斯卓哉儒者勇

詩話都城西山宏教寺傳是正德間中貴晏忠所造寺前有澗過澗壘石為門題曰道統門石殿三楹上琢三皇五帝三王像左鑿周召孔孟諸聖賢右鑿周程張朱諸儒像別一石龕以藏五經殿外一石亭壁列鐘簾干戚錢鏐弁裳之屬左龍馬馬毛旋五十五數具一如河圖右龜龜甲四十五數具一如洛書東堂三楹壁列忠臣龍比以下孝子曾閔以下若干人按元史泰定二年中書省言養給軍民必藉地利世祖建大宣文宏教寺寺賜永業當時已號虛費今遺蹟已無可考觀晏公祠石象禮器制度渾朴不類明時匠人所鑿且元于儒釋初無所分疑寺即宣文宏教之遺址晏忠特從而修飾之爾金華姜給事應甲詩云空山石祠堂落穆跨深壑

肖象古聖賢高下坐淵漠殿墀列龜龍如出自
河洛煌煌先儒語所為忠孝作性理累百卷題
壁見大略歷覽感吾心人傳晏公鑿厥志在尼
山高邈得所託媿哉彼檀施鸞血塗丹腹則竟
以為長侍所鑒次牧亦沿其誤至云古人所未
聞此是我作俑不知祠宇列聖賢像始于文翁
踵于趙岐漢之遺碑若司隸校尉魯恭荊州刺
史李剛從事掾武梁祠皆有刻石聖賢像非作
俑比也

丁元公一首

元公字原躬嘉興布衣晚為僧號願菴

詩話原躬負奇恒與俗齟齬書畫俱入
逸品兼精繆家詩亦不屑作庸熟語

題畫木芙蓉

吹遍鯉魚江岸風
露條霜蕊一叢叢
謝家池上秋容一
空闊十里長隄間
白紅

喻應益 一首

應益字叔虞新建人

滕王閣

飛閣千年勝跡留
層巒遠水檻中收
萋萋岸綠王孫草
湛湛江平帝子洲
烟樹尚含羅綺怨
風濤不散管絃愁

飄零莫縱登高目門掩斜陽獨下樓

馮夢龍

夢龍字猶龍長洲人由貢生選授壽寧知縣有

七樂齋豪

詩話明府善為啓顏之辭間入打油之
調雖不得為詩家然亦文苑之滑稽也


冬日湖村即事

蒹葭一望路三叉遙認莊窩去路斜舟響小溪過蟹舍
屋頽高岸露牛車輕霜隄柳餘疎葉暖日村桃早放花

平野蕭條聊極目
遠天寒影散羣鴉



明詩綜卷七十四



總校官庶吉士 臣張能照

校對官檢討 臣蕭九成

膳錄舉人 臣李駟

膳錄監生 臣朱文佐

欽定四庫全書薈要

集部

明詩綜卷七十五

六

詳校官編修臣汪鏞



欽定四庫全書薈要卷二萬五百四十八

集部

明詩綜卷七十五

翰林院檢討朱彝尊編



銓一首

銓字字衡沁水人萬厯甲辰進士除保定推官
擢浙江道御史巡按江西再按遼東陣亡贈大
理寺卿加贈兵部尚書諡忠烈有集

宜春臺眺望

臺以宜春勝登臨恰仲春竹風如款客花氣欲熏人山
色平依檻江流曲抱城昔賢棲隱處覽古倍含情

張振德一首

振德字季修崑山人萬歷丙辰以選貢知興文
縣事天啓辛酉死奢崇明之難贈光祿卿諡烈
愍

魚兜堡

逝矣南荒地居然小有天魚兜沉夾浦龍洞闕靈泉耕

鑿番歌穩追呼羽檄連遠臣憂主辱未敢賦歸田

張可大 一首

可大字觀甫其先孝感人世襲南京羽林左衛
千戶中萬厯辛丑武進士歷官都督同知轉右
都督改南京左軍都督府管府事鎮登萊崇禎
壬申吳橋兵變回攻登州城陷自縊諡壯節

書邊事

無端小草出登壇壯士徒歌易水寒枉把全師輕一擲

遂令宿將盡三韓腐儒誤國由房琯野老吞聲恨賀蘭
豈是彼蒼開殺運祇因人事自摧殘

陸夢龍 一首

夢龍字君啓紹興山陰人萬厯庚戌進士除刑
部主事歷員外郎中出為廣西提學僉事轉江
西參議湖廣副使貴州參政廣東按察使降補
河南參議轉山東副使調陝西以參政分守固
原道宗禎癸酉戰死贈太僕寺卿諡忠烈

宿東林寺

禪房獨樹鳥爭棲
月色冥濛霧漸迷
曉起不知山路滑
西風吹雨過前谿

孫承宗

六首

承宗字稚繩高陽人萬曆甲辰賜進士第二除
編修歷坊局以禮部右侍郎掌詹事府拜兵部
尚書兼東閣大學士奉命督師出鎮山海加太
子太保尋加少傅兼太子太傅文華殿大學士

再加少師兼太子太師予告回籍崇禎二年仍
起督師又三年復予告歸七年高陽失守入城
南老營望闕拜叱持綬者縊死贈太傅諡文忠

有南陽集

魏環極云孫公古風近體靡不本英
分攄雄才高步作者之林而究無泥

於古

靜志居詩話先生自任天下之重盡瘁師中司
馬之檄方馳樂羊之筐已滿見危授命無媿全
人集中三十五忠詩蓋有感於璫禍而作三十
五忠者趙尚書南星高總憲攀龍周侍郎炳謨
楊副院璉馮副院從吾何總督士晉左僉院光
斗李御史應昇夏御史之令周中丞起元繆宮

諭昌期蘇考功繼歐張尚書問遠汪侍郎輝丁
簡討乾學鄧中丞漢表御史化中吳總督月先
顧憲副大章王尚書紀魏給事大中鄒總憲元
標王侍郎之宋周主事順昌夏文選嘉遇周御
史宗建周同少朝瑞黃御史尊素劉知府鐸萬
郎中燦吳御史裕中張都事汶趙宗伯秉忠公
侍郎鶚孟參軍淑孔也東林之君子已得十八
九馬先生之言曰起三十五人于九京未必人
人有勲烈而有勲烈者必此
三十五人痛惜人才之至矣

山海關

甲冑詩篇少乾坤戎馬多幻仍看海市壯擬挽天河塞
上人先老山頭月奈何羣雄驕語日一劒幾經過

潮

休嫁弄潮兒潮今亦失信乘我油壁車去向錢塘問

送友人

山城吹角月婆娑一派秋聲向客多已是愁中聽不得
那堪重唱渭城歌

閒圃

閒身終日比雲閒不為秋風棲碧山却訝枝頭雙白鳥
夕陽飛倦未知還

秋日飲甯氏水亭

孤閣臨流混太清
烟波渺渺抱重城
西風莫卷枯荷盡
醉客重來聽雨聲

哭門人李元治

海內交游已漸稀
眼前老友幾相依
夜來驚有西園信
淚灑東風滿客衣

呂維祺 一首

維祺字介孺河南新安人萬曆癸丑進士除兗

州推官徵入為吏部主事歷員外郎中告歸崇
禎初薦起尚寶卿改太常少卿進本寺卿提督
四尺館升南京戶部右侍郎兼都察院右僉都
御史總督糧儲進兵部尚書流賊陷潁州都督
趙世臣守清流關兵潰廷議多咎之奪職卒已
洛陽陷被執不屈罵賊死事聞贈太子少保尋
諡忠節贈太傅

南庚卽事

往事如譚虎先憂甚喘牛自煩前席召屢切北宸憂令
甲漕難截呼庚例始留徙薪君不信毋乃到焦頭

劉振之二首

振之字而強慈谿人崇禎庚午舉人署東陽儒
學教諭遷鄢陵知縣辛巳十二月城陷不屈為
賊支解贈太僕寺卿有画溪近草永壺先生遺
橐

詩話先生初署廣文日以忠孝勉諸弟子題官
舍之柱曰人熱難因吾鼎可愛又曰一片冰心

湛贈友滿腔熱血欲輸君
其後捐軀最烈不食其言

闕湖卽事

秋容到處好碧水湛晴暉
嶺樹陰逾密湖雲濕不飛
亭虛山易入野曠鵲忘歸
戶外塵雖滿那能上芟衣

登青笑臺

樓陰倒映水潺潺簾卷空青鳥乍還
一幅雲林難著筆
半沉半露霧中山

汪喬年

一首

喬年字歲星遂安人天啓壬戌進士除刑部主事累官兵部侍郎兼副都御史總督三邊死寇難贈兵部尚書

商於懷古

路入商源萬壑回據鞍懷古思悠哉茹芝高士墳猶在徙木姦雄骨已灰計絕楚援游客詐詩題秦嶺逐臣哀古今得失俱陳迹惟有山花歲歲開

蔡道憲

二首

道憲字元白號江門晉江人崇禎丁丑進士除大理推官改長沙癸未八月城陷被執不屈為賊所磔事聞贈太僕少卿諡忠烈有悔後集

詩話江門自序悔後集云悔後者何前日妄作詩今而後悔也悔後而復有集者何吾但能焚前日之詩今日之作且輯之以竝後日之再悔也其虛懷可見詩雖音節未諧而清婉越俗如移竹已抽三尺筍種桃爭發一庭花又湘水清紫藤花落魚子生皆不失為佳句

送堵牧游入覲

十月迎君南千里送君北一歲雙酒卮隨君變顏色誰

能入長安便無故人憶下有洞庭上湘江為我留君不
可得我在南君在北夢相思見顏色他鄉飯君強食歌
再歌中歎息

歲暮

美人無信至歲暮江梅白家住嶺西東何處寄相憶

馮一第 一首

一第字根公長沙人天啓丁卯舉人崇禎癸未
長沙不守走湘鄉將乞師酉陽以圖殺賊為賊

所獲斷兩手置營中一夕死

野望

江岸閒行處晴雲澹一天微風生遠樹吹送渡頭船

蔡懋德

一首

懋德字公虞崑山人萬曆己未進士除杭州推官入為禮部主事歷員外郎中升江西提學僉事轉浙江參政累官僉都御史巡撫山西太原城破自經于三立祠諡忠襄

月下步朱龍橋

長虹何天矯獨跨萬山中一道來飛練千林壓冷楓歸
雲奔遠岫涌月洗寒空攬袂登高立憑闌望莫窮

金毓峒一首

毓峒字鶴冲保定人崇禎甲戌進士除中書舍
人擢湖廣道御史監宣大軍尋奉命督禁旅扼
畿南要害馳至保定登陴固守城陷投井死

早春雜詠

繫馬河濱及早春鳴鳩乳燕往來頻故園風景知何似
自媿東西南北人

范景文

三首

景文字夢章吳橋人萬曆癸丑進士授東昌推
官擢吏部主事歷員外郎中移疾歸起太常少
卿尋以僉都御史巡撫河南升兵部侍郎轉南
京都察院右都御史尋升南京兵部尚書坐劾
時相除名為民已復起工部尚書拜東閣大學

士京城陷拜闕號哭投井死初諡文貞順治初

定諡文忠有永餐堂草

陳皇士云范公詩古直豪邁稜稜露爽遏國步

艱難故多
悽戾之辭

詩話啓禎之際秦聲變而至文天瑞楚調變而
至尹宣子越吟變而至王季重正音掃地矣吳
橋博綜舊章領袖羣雅其詩發揚而不厲
新警而不能獨自成家不飲狂泉之水

有感

天啓嗣祚年臺諫氣色盛憂危叫九閭所恃上神聖何
來連斥逐無乃累新政薄謫亦主恩敢廢天子命所虞

端一開庶言疑欲屏中璫思乘墉況可授以柄於惟我
神皇高拱握金鏡稍稍視下輕釀成結轡病今誰秉國
成借之弄機穽罪人佚顯罰反憾言官諍漆室抱深懷
能不心恹恹尚慎一怒加撫茲萬邦正

宿長清署中有感作

古驛昏鴉坐長塗病馬饑宵寒停柝早時亟啓關遲落
月三更信春風六日期年年行役苦兩度已於斯

過維揚

游子關情處江空白露秋客程初問水旅思怯登樓非
是瞻雲切還應見月愁鄉關歸夢裏一夜下揚州

倪元璐 一首

元璐字玉汝號鴻寶上虞人天啓壬戌進士改
庶吉士授編修歷侍講南京國子監司業右中
允左諭德右庶子國子監祭酒升兵部右侍郎
改戶部尚書兼禮部尚書翰林院學士京師陷
自縊死初諡文正定諡文貞有憶草

詩話歷日之頌明太祖定於九月之朔其後改十一月朔繼又改十月朔遂為定制是日帝御殿比于大朝會士民拜于廷者例俱得賜倪尚書天啓中賦頌歷詩最為典重他詩過於新奇不然也尚書晚築室于紹興府城南隅牕檻法式皆手自繪畫巧匠見之束手既成始歎其精工時方患目疾取程君房方于魯所製墨塗壁默坐其中堂東飛閣三層扁曰衣雲凭闌則萬壑千巖皆在榻下適石齋黃公至越施以錦帷張燈四照黃公不怡謂國步多難吾輩不宜宴樂尚書笑曰會與公訣爾既北行遂殉寇難閤順治初尚存曩嘗攜舍弟子里暇輒登焉今已鞠為荒草矣

皇極門頌歷作

鳳闕開彤旭，猊爐散紫烟。
六階齊度緯，七政轉璣璿。
甲歷龍躔改，寅賓象魏懸。
明時功在革，資始義承乾。
黑帝威初試，青皇位早傳。
周官新月令，甘氏舊星篇。
人繼羲和後，書成堯莢前。
庚先三日戒，貞下一元旋。
圖錄符垂赤，干支德應玄。
興王惟省歲，太史又編年。
賜出黃星曜，披看綠字鮮。
因知天歷數，如日起虞淵。

孟兆祥

一首

兆祥字允吉，交河人。天啓壬戌進士，除大理評。

事升吏部主事歷郎中謫行人司副尋遷光祿
寺丞轉少卿左通政太僕卿通政使官至刑部
右侍郎甲申三月守正陽門城陷不屈死贈尚
書初諡忠貞定諡忠端

詩話孟公峻節自樹取忤中璫卒殉節於正陽
門子章明顯之以進士觀政吏部視公殮畢亦
自盡時論翕然以為三百年特見之事初贈河
南道御史諡節愍順治九年定諡忠僖其詩文
惜無存

硤石

硤石分秦險郵亭日欲低未知山近遠已失路東西遠
水看烟起深林畏鳥啼鳳城何處是彌望草萋萋

凌義渠 一首

義渠字駿甫烏程人天啓乙丑進士除行人選
授禮科給事中歷兵科都給事中升福建右參
政轉湖廣按察使山東右布政使入為大理寺
卿京師陷自經初諡忠清定諡忠介有使岷豪

詩話凌公詩義見者解頤嘗與閔文學元京共
排續湘烟錄董上舍斯張稱其冷艷畢臚比之

吳均入東記及官禮垣封事四十餘上皆切中
時弊溫輔以吏才稱之轉外溫既謝政入為大
理臨難之頃從容就義惟悉取平生撰述焚之
為可惜也公清介特甚田廬一無所遺身後二
十餘年猶未并椁江都吳綺園次守吳興時夫
人閔尚存園次肅拜堂下秋深矣尚衣葛衣練
帶退而歎息恒以盞鼓魚菽遺之且
卜地葬公于驥邨之北為丈祭之

鄴中詩

微風入樹冷修修漳水依然咽舊流何處高樓思落月
久傳疑冢有荒丘佳人南國經春鎖公子西園愛夜游
最是英雄多感慨當歌今日好銷憂

施邦曜 一首

邦曜字爾韜餘姚人萬厯已未進士武學教授
遷國子監博士歷工部主事員外郎中出知漳
州府升福建參政轉四川按察使福建右布政
使南京光祿寺卿擢左副都御史殉國難初謚
忠介定謚恭愍

詩話浙人不幸萬厯以來執政者前有四明後
有烏程德清以是朝士不附東林者舉目之曰
浙黨此指一時阿比執政者而言則可爾東林
諸君子全倚浙人助之人品蓋棺論定試觀建

文壬午崇禎甲申投身成仁潔己自靖者惟浙
為多順治九年定諡甲申殉難文臣計二十人
而浙居其六繼此授命者更難悉數浙黨之目
庶幾可以一洒矣恭愍從容自經書其案云慙
無半策匡時難唯有孤忠報國
思蓋初不以詩名而自號方格

暮望

返照開西峽穿林度遠塘
卑枝散高影遠岫駐餘光
城市歸人急江天宿鳥忙
自傷遲暮客日日送殘陽

馬世奇

三首

世奇字君常無錫人崇禎辛未進士改庶吉士

授編修累遷左春坊左諭德兼翰林院侍講甲

申京師陷自經死初諡文忠定諡文肅有集

陳皇

士云公詩春容穠麗居然唐人風格

詩話馬公清德奉使諸藩餽贈一無所受此還朝夢中吟文信國詩從今別却江南日化作啼鵲帶血歸蓋殉國之志已素定故先兆于夢云

秦淮曲

萬騎南巡正德年內家前隊鐵連錢
白衣舞罷乘鸞去應有霓裳曲未傳

贈曹元宰守漳州

靈查秋泛海天涼五夜心懸燕寢香
總為至尊憂社稷
漢臣何必薄淮陽

贈鄭少府之任

宦薄無妨吏隱尊清風一拂百年存
流移滿目誰堪繪
念爾監門舊子孫

周鳳翔一首

鳳翔字儀伯紹興山陰人崇禎戊辰進士改庶

吉士授編修遷南京國子司業歷左春坊左諭

德兼翰林院侍讀都城陷自經死贈禮部右侍

郎初諡文節定諡文介有集

陳皇士云公詩清
灑無館閣穠重之

習

詩話甲申三月之變文介授命獨遲十九日城陷語吳莊介云臣子義在必死然必一視大行殞宮鵠素慟哭方可無憾爾二十一日赴東華門茶棚下舉哀復匍匐至邸自經絕命詩云碧血九原依聖主白頭二老哭忠魂時親猶具慶也於時大學士宜城丘公瑜集議朝房俄而賊入亟走民家自縊為傍人所持不死次日賊蹤跡得之挾入窩鋪求死不得賊帥劉宗敏刑辱

備加猶嫚罵不屈伺守者稍懈乃就縊論者責其濡忍至受羣盜之侮不得與忠臣之列文介東華之哭既不受賊帥之拘而萬舌一辭免腐儒吹疵之論是天所以成公大節而公之素行交孚于鄉國故也不其難哉

舟中聞鴈

一葦秋橫渡三江鴈引羣北來應幾日消息可相聞嘹唳孤雲迴蕭疎夜色分當前渾欲訴木葉落紛紛

劉理順 一首

理順字湛六杞縣人崇禎甲戌賜進士第一授

修撰升左中允甲申殉國難初諡文正定諡文

烈有劉文烈公集

陳皇士云考宋元以來狀元及第死事者於宋得三人何

巢文天祥陳文龍於元得三人李黼台哈布哈李齊而明有五人靖難之時則有黃侍中觀土木之禍則有曹文忠輩北京之變則有劉公而浙東有余庶子煌江右有劉中允同升先後皆死國事此亦科名人物之盛軼於前代者也

詩話劉公退朝賊騎猝入回寓舍書曰成仁取義孔孟所傳信公踐之吾何不然暨其妻妾並縊可謂不負科名矣詩多直抒胸臆不為體格所拘

錢塘江遇雨

微雨來江上濛濛曉未收故園千里隔客夢一身浮烏
白家家樹漁榔岸岸舟觀濤無不可須上幾重樓

吳麟徵 三首

麟徵字來皇號磊齋海鹽人天啓壬戌進士除
建昌府推官丁憂起補興化徵拜吏科給事中
歷都給事中升太常寺少卿京師陷自縊初諡
忠節定諡貞肅有集

詩話磊齋在八舍知無不言又明於當世之務
不茹不吐奈與執政齟齬不用其謀嘗與伯兄

石匏書云朝廷之是非臧否無恒而所號為正人專以門戶聲氣為事疆場事日益決裂安之若固然惟一人焦勞於上而已又云近日用人倏更倏換當事全無確見惟覘上意所在其餘議論紛紜封疆事所以日壞良可歎也又云宜興敗後大獄頻興士大夫幾無生氣而言路更甚第幸免風波然欲積誠以冀匡救之萬一則未可得也又云閩賊破潼關直抵西安秦督三萬師一潰無餘獻賊破長沙進逼袁州江浙震鄰吾鄉恐未能安枕天下事有不忍言者子姪輩教以敦厚母事浮文為善于鄉黨足矣其言一一切中時弊臨終處置家事各有條理從容不亂尤人情之所難能詩不甚敦琢其工者每涉傷時存其二首吉人之言不在多也

送王昆華前輩使節歸省由楚入滇

益部占星信桐圭展萼親水滌湘晚碧山入點蒼新休
沐西南里詔諏遠近人潘輿聞送喜日望使車塵

李德云

全首
清穩

走筆招友人飲

玄亭今在否竹馬舊過尋尚憶人如玉那禁雪滿簪平
湖秋水闊板屋夜燈深莫更疎還往相看歲暮心

送葛無奇侍御按粵

刺桐花發粵山青一路爭看豸繡經迴鴈峰南望天北

五雲長傍使臣星

汪偉 一首

偉字叔度江寧籍休寧人崇禎戊辰進士除慈谿知縣選授翰林簡討甲申三月死國難贈詹事府詹事初諡文烈定諡文毅

旅次述懷

于役逢蕭序停鞍已夕春酒餘忘逆旅湖外憶高蹤挂壁留殘火披衣候曉鐘故園今漸近白岳有雲封

沈山子云

大歷十
子遺響

吳甘來 一首

甘來字節之瑞州新昌人崇禎戊辰進士授中
書舍人擢刑科給事中歷戶科都給事中甲申
死寇難初諡忠節定諡莊介

詩話思陵死社稷周文介欲哭殯宮而後死莊
介口然其言而亟歸寓自繼時因哭殯宮而受
楊辱者蓋不止丘輔一人是則莊介之識遠也
甲申之變諛垣數十人或竄或辱或汙偽命死
節者僅莊介一人假踐文介之言安知不與丘
輔同其辱乎君子論吳周兩公之死則先時者

得其
正矣

經彭澤

亦有東籬菊何人尚隱居夕陽催進艇殘夜擬焚魚物
變看多異名高謫未除懷歸無長物猶有一牀書

許直
一首

直字若魯如皋人崇禎甲戌進士除義烏知縣
以母喪歸補惠來選授吏部主事歷員外甲申
三月死國難贈太僕卿初諡忠節定諡忠愍

絕筆

投筆翻然辭世行老親幼子隔幽明丹心未雪生前恨
青簡空留身後名

王章
二章

章字漢臣武進人崇禎戊辰進士除諸暨知縣
調鄞縣徵授工部主事選陝西道御史以憂歸
服闋補河南道御史京城陷死之初謚忠烈定
謚節愍有公餘草

詩話王公赴義最烈公餘草詩一卷序者以吉
光一片喻之是年御史盡節者三人公與鄧陳
公良謨零陵陳公純德也聞有昆明趙謨字鎮
所天啓甲子舉人除貴州龍泉知縣以禦土寇
功行取擢四川道御史巡視中城城陷為賊所
械瞋目大罵賊刀仗齊下殺於白帽衛衙其死
與王公相類而遠方乙科無人為之請卹國史
野紀聞焉僅見於陳氏兩朝遺詩小傳特附書
之

聖駕閱城

秋色當樓滿
宗閨奠帝居
虎門橫雉堞
鳳吹導龍輿
峻坂雲臨近
封泉地絡舒
翠華迴輦處
嵩舞遍丹除

讀書篁川偶詠

竹裏起茶烟白雲堆滿屋何處桔槔聲園丁灌花木

成德

一首

德字元修懷柔籍霍州人崇禎辛未進士榜姓
張有旨復姓除知滋陽縣事被逮杖謫久而赦
還補如皋知縣入為兵部主事轉員外郎甲申
殉國難贈大理寺卿初諡忠毅定諡介愍

詩話元修牽絲作令不善事上官為守所揭巡
按以貪酷聞被逮按臣及守溫輔私人也元修

母張具本聲寃於朝隨溫輔肩輿詬罵溫輔志甚言於恩陵杖之午門前下錦衣衛獄發遣時留家人居順義城破衆爭匿地窖中元修父文桂曰豈可男兒雜入一窟中乎賊至遂遇害一妹二妾皆自經及甲申就義母張暨一妹一妾亦俱縊焉絕句一首蓋謫戍日太行道中作也

絕句

出山已定盟心語作令須思遣戍時但卷琴書賦歸去
莫因狗祿乞身遲

金鉉

一首

鉉字伯玉留守前衛籍武進人崇禎戊辰進士

選揚州府學教授入為國子監博士升工部主事尋改兵部甲申殉國難初諡忠節定諡忠潔有集

詩話思陵之去閣黨無異拔山曾不數年命張
昇憲總理戶工二部錢糧出帑金別建公廨俾
諸司以屬吏之禮見金公再疏陳其不可謂以
陛下迪簡之臣而今其聲折偃俸於刑餘之子
不亦羞朝廷而辱當世之士邪思陵卒不允也
中官借驗火器劾公落職公笑曰吾去官遠此
輩如脫蟻蝨垢膩之衣豈不愉快遂與諸弟講
古文辭尤精研易理壬午七月晦讀邵氏書題
其後曰甲申之春定我進退進雖遇時外而弗
內退若苦衷遠而弗滯外止三時遠不卒歲優

哉游哉庶畢吾世又語其弟曰吾平生寡所好
視弄官如揮涕唾今以巡城每過御河輒留連
不能去何也卒沉於是從彭
咸之所居公志蓋已先定矣

拜文信國祠下

復姤自天運臣道無終窮殉節士所恒寧足矜子功偉
哉一文士毅然任即戎棘行若履坦所在吟淒風一息
苟可奮安忍即瘖聾九死固所甘但惜炎運終堪嗟生
祭者不足語微衷

申佳允

一首

佳允字孔嘉永年人崇禎辛未進士除儀封知縣擢吏部主事轉員外降南京國子監博士遷大理寺副升太僕寺丞都城陷投井死初諡節愍定諡端愍有君子亭集

詩話中公循吏治最中州及考牧近畿聞寇逼居庸郡縣望風奔潰或勸毋入都據慨流涕曰固知京師不支如天子孤立何疾馳以入時三月十二日也徧謁大臣畫戰守策皆不省城陷自投王恭廠井中其詩娟秀不踴不浮近劉半舫一派

贈郭子

下榻留征騎燒燈共客吟萬金烽火信一夜故園心世
事風塵老交情契闊深此行須鄭重兵氣滿山岑

王與允 二首

與允字永錫一字百斯濟南新城人崇禎戊辰
進士改庶吉士授湖廣道御史巡視河東鹽課
陝西茶馬應天學政引疾歸甲申四月聞京師
陷暨妻子登樓齊縊死有隴首集

陳伯璣云侍
御以建言忤

執政蕭然歸里聞難之日不以在野緩須臾之
死即其短歎微吟已可知其嚴氣正性
紀伯

紫云先生忠孝大節日月爭光詩

集僅存猶足挾風霜而鏗金石

詩話新城王氏科第最盛盡節死者亦最多崇禎五年吳橋兵變南趨時則保定同知象復暨其子舉人與夔死焉十五年城再破時則貢生與朋暨其子舉人熊生員士雅死焉至是侍御暨妻于孺人子士和又死焉王氏之門才甲一世矣

對鉗梅作

鄉思那可禁况復逢驛使念我欲歸時已結垂垂子

西羌雜詩

紇干山下少人過大將行師按突何袖裏尚餘三尺練

歸來生繫角斯囉

王士和

士和字允協御史與允子新城儒學生

詩話允協死不遠親與孟忠僖比烈其妻於崇
禎壬午城破時先自經忠臣孝子烈婦萃於一
門尤難得也

絕命詞

痛余生之不辰今天滅我之立王我父母一聞之兮涕
滂沱以彷徨以身殉國難兮維千古之臣綱嗟反面而

事讎兮方臣妾之未遑哀世溷濁兮四維不張大地無容身之隙兮願隨我父母歸于帝鄉

許琰一首

琰字玉重長洲縣學生贈五經博士

詩話玉重青衿未受一命無必死之義而忠憤奮發始縊于家隨縊于福濟觀皆為人救解復投胥門城壕時潞王舟泊城下遙望見之亟命水夫掖起抵家聞哀詔至宛轉悲號賦詩有一箇書生難殺賊願為厲鬼效微忠之句絕粒七日而歿先王重死者北京布衣贈中書舍人湯文瓊聞帝崩煤山書衣帶云位非文丞相之位心則文丞相之心慷慨自殺又聞金陵有丐者

聞北京變搏膺大哭赴百川橋下死謝康樂詩所云本自江海人忠義感君子是也

妾薄命

妾本名家子幼小受人憐感君明珠贈含羞意不前左手執書策右手揮鳴絃皎皎明月光苦意嘗纏綿恩情恨不久韶華無盡年忍作待嫁衣甘為他人妍君故未相知妾意殊不然有聲當徹天有淚當徹泉待醒深閨裏風光寧久懸

王行儉一首

行儉字質行宜興人崇禎丁丑進士授南京戶部主事歷郎中出知荊州府改重慶甲申六月死寇難

詩話張獻忠奪佛圖關用火具攻重慶時漢中已破瑞王來奔關南道陳繹及隴右士大夫挈家從之城既陷賊俘巡撫陳士奇知巴縣事王錫暨太守王公縛之演武場將殺之俄而雷電晦冥獻忠對天詬曰我殺人與天何涉架飛礮向天齊擊之既霽諸公皆遇害事載婁東沈荀蔚蜀難紀略

軍中口號寄諸弟

重關烽火陣雲寒回首鄉園道路難
忽憶高堂清淚落還將尺素報平安

沈雲祚

一首

雲祚字予凌太倉人崇禎庚辰進士除華陽知縣甲申死寇難有侶郊居存橐

塗中悼亡

一水東歸百里津每逢風雨便傷神
而今帷帳辭秦淑誰憶江邊行路人

尹伸 三首

伸字子求宜賓人萬厯戊戌進士授承天推官
入為兵部主事歷員外郎中出知西安府致仕
起補陝西按察副使歷河南左布政使尋遷太
常卿張獻忠陷成都被執罵賊見殺

得黔報寄示兩子

仕宦通黔籍時比於放流頃者因戎馬反名才見收我
昨權出處曾慮當見投未即援奔林已同鷹在韝衰年

履瘴鄉病軀親戈矛中子不樂聞况使老妻憂惟余性
頗達死生同一漚炙額兼噴鼻壯夫昔所羞苟能了二
觀未必無一籌世法今頗解勉師老氏柔冠軍當辦戰
都護或深謀聲靈仗英主小醜何足劉虔勤奉簡書功
利不敢求畸人儻天幸為我營菟裘

敘南曲

二首

七星歷歷面烟鬟千佛巖頭翠岫斑水合雙江波浪闊
浮來塢影是東山

鎖江北渡入涪溪亂石叢篁路欲迷太史遺文殘碣上
武侯荒廟夕陽西

孫士美

一首

士美字公榮松江華亭人天啓辛酉舉人知深
州事崇禎戊寅十一月州城被圍力盡死于官
一門殉難者十有三人事聞贈太僕寺卿

守城作

鐵騎繞孤城烽煙勢未平君親本至性南北總關情地

下難熏鼠原頭絕救兵

一作此日魚書
急何時鶴淚清

寄言青史筆莫

載罪臣名

王佐聖 一首

佐聖字克仲一字魯生長洲人萬厯壬子舉人
除知遵義縣事崇禎壬午城破死于難有緘菴

詩鈔

詩話明季用人專拘資格吏部除目乙科多投
之遠方如張公季修王公克仲劉公而強馮公
根公殉節皆最烈豈惟千佛
名經中人始可入顯忠錄邪

幽蘭篇送黃子羽應召入京

芳蘭生空谷託根何孤清恥與羣卉伍修然挺素莖日
月沐秀華雨露滋芳英一朝辭中阿以之植蓬瀛風姿
益娟妙紉佩當瑤瓊允矣王者香不隨蕭艾榮

蘇

瓊

一首

瓊字赤友石埭人宗禎甲戌進士除知景州移
瀘州張獻忠寇蜀死于難有青城先生詩略

淮陰釣臺

駐馬淮陰道王孫劇可憐已無諸母漂猶剩一臺偏試
問藏弓日何如把釣年我來倍惆悵片石立寒煙

吳爾壘

四首

爾壘字介子崇德人崇禎癸未進士改庶吉士
李自成陷京師從賊中脫歸依史可法軍死揚
州之難有滋蘭堂初集聶許堂遺草

詩話先生間道潛行依史閣部軍中以身許國
遇鄉人祝孝廉淵南還斷一指裹家書中遺其
親誓不空返卒死於兵平居曾撰死臣傳目曰
仁書傳有小序各繫以古人曰湛身曰焚曰炮

烙曰炙曰自到曰不食曰閉口曰雉經曰扼吭
曰立槁曰沒陣曰觸曰墜曰燬曰烹曰菹醢曰
轢曰斬曰車裂曰磔曰鋸曰囊撲曰剝曰剖曰
拉曰杖曰笞曰鉗擊曰刺曰幽曰凍曰直發背
曰慟哭統論之曰諸死者或假手於人或憤激
自裁或罵賊畢命身死主寤者有之身死敵懼
者有之身死家破者有之身死名榮者有之要
與禽息鳥視者遠矣其曰被辱甲操吳戈氣之
雄騰天河驚廣野捐愛賊志之法頭匪恤我心
赤我血碧長城雖壞白虹貫日則先生自道也
先生之死有故人殮其尸而寄棺於佛寺寺燬
於兵火棺亦燬焉其家廬所寄指葬之四明葛
編修世振入之昭
忠錄并銘其墓

我行其野 三章

我行其野石田嶙峋荒原黯澹
不見人黃埃接天有
狐僂僂陰風吹車慮掣其輪

相彼征駒尚求果腹嗟我人斯
終朝無祿螟螣之生不
遺荏粟哀哉鴈戶載行載哭

我丁匪辰紛此百罹寇訐于郊
僉曰撫之惟儉人是咨
俾大璫是司我行其野告哀以詩

秋風辭

秋風颯颯兮切素肌
華林摧謝兮蛩蛩啼
綺席陳兮清

歌闌美人去兮何當還羽蓋飛兮龍媒乘發激楚兮箭
韶鳴采三秀兮餐玉英思繇邈兮遐征歲華荏苒兮何

明詩綜卷七十五